

Ո Ր Ո Շ ՈՒ Մ N 008/1
/վարչական տույժ նշանակելու մասին/

«10» հունվարի 2019թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետի ժամանակավոր պաշտոնակատար Դավիթ Չոբանյանս, քննելով Սմբատ Հովսեփյանի (անձնագիր՝ AM0474550, հասցե՝ ք.Երևան, Արաբկիր, Բաղրամյան փող., 46 շ., բն. 4Ա) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Թիվ 05100033/090818/0053087 տարանցման հայտարարագրով Բագրատաշենի մաքսային կետ-բաժնով Սմբատ Հովսեփյանի անունով ՀՀ տարածք է ներմուծվել 1 տեղ, 50կգ. ընդհանուր քաշով բեռ՝ Ա/Մ-ի շարժիչ քանդված վիճակում, որը 14.08.2018 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը նշված բեռի վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման թիվ 1 բաժնի գլխավոր մաքսային տեսուչի կողմից 17.12.2018 թվականին քաղաքացի Սմբատ Հովսեփյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով: Մաքսային կանոնների խախտման վերաբերյալ գործի քննությունը նշանակվել է 10.01.2019 թվականին ժամը 12:30-ին, ինչի անցկացման վայրի և ժամանակի մասին ծանուցումն առաքվել է Սմբատ Հովսեփյանին: Վերջինս ներկայացել է գործի քննությանը, գրավոր բացատրություն ներկայացրել այն մասին, որ 2017թ. օգոստոս ամսին Բագրատաշենի մաքսային կետով ներմուծել է մեքենա, որի մեջ եղել է նախկին շարժիչը՝ քանդված, հետագա օգտագործման համար ոչ պիտանի, և չի իմացել, որ պետք է քանդված, անպիտան շարժիչի համար հայտարարագիր ներկայացնի:

ԵՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների

մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ քաղաքացի Սմբատ Հովսեփյանը սահմանված ժամկետում թիվ 05100033/090818/0053087 տարանցման հայտարարագրով Բագրատաշենի մաքսային կետ-բաժնով ՀՀ տարածք ներմուծված բեռի մնացորդ մասի համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար Սմբատ Հովսեփյանին ենթարկել վարչական պատասխանատվության՝ տուգանելով **50.000** ՀՀ դրամի չափով:
2. Որոշման մասին հայտնել Սմբատ Հովսեփյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900013323010՝ գումարի 30% (ՀՀ պետական բյուջե, կենտրոնական գանձապետարան, Արարադյան մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ Ժ/Պ



Դ. ՉՈՐԱՆՅԱՆ